

Südstadtnächte

Musik & Text Björn Heuser / Verlag: HEUSERMUSIK, GMO Publishing

G-Dur

3m 1
Augeringe verzälle vun ner schloflose Naach,
3m 1
ich setz vür'm Speejel, ben bal zick drissisch Stunde wach,
3m 1
wat es hück för ne Daach, jeiht de Sunn unger oder op?
2 1
De Spilluhr spillt mich bal en Trance un do, do lurs nur zo...

5 1 2 1
Kein Südstadtnächte, kein Flipper-Sessions em Piranha,
5 1 2 1
kei Taxi noh Paris, keine Midnight-Döner om Chlodwigplatz,
5 1 2 1
kein Südstadtnächte, kei Hopping durch Ihrefeld,
5 1 2
et sin vierdausend Jramm, un fuffzich Zentimeter -
1 5 1 2 1 5 1 2 1
wat mir de Auge ophält!

D'r Kopp weed schwer, un de Ärm weeden lang,
en d'r Nohberschaff jonn noh un noh de Leechter ahn
noch e Fläschche für dich, un anders als söns verzichte ich,
nä, mer es ech nit noh Bier, nur einmol länger schlofe als bes vier!

Kein Südstadtnächte...

1 5/7 6m
Doch wenn do laachs, es alles widder jot,
1 5 2
un wenn do laachs, es kein Naach ze koot!

Ich bruch kein Südstadtnächte, ben nur noch selden em Piranha,
Paris han ich längs jesinn, un d'r Midnight-Döner setz immer mieh ahn,
ich bruch kein Südstadtnächte, han mich om Ihrefeld bal mödgehopp,
zickdäm du do bes, steiht de Welt total om Kopp -
un dat es jot!